

## INFORMACIÓN COMEDOR ESCOLAR

Estimadas familias:

Seguindo as instrucións 2/2022 que regulan o funcionamento e xestión do servizo de comedor escolar 2022/2023:

1. Todos os/as alumnos/as do centro, incluídos os de transporte escolar, que desexen facer uso do servizo de comedor escolar, deberán solicitar praza de comedor, cubrindo a autodeclaración que se adxunta  **cuberta en todos os seus extremos (deberán aparecer as cantidades en número),deberán cubrir 2 autodeclaracións,unha para o centro e outra para selar no centro como xustificante de presentación.** Deberá ser cuberta e devolta ao centro **antes do 8 de xullo.**
2. Recordade que os alumnos/as que, durante o prazo dun mes no fagan uso do comedor, causarán baixa no servizo, agás causas debidamente xustificadas ante a dirección do centro.
3. **Aqueles alumnos/as que no vaian facer uso dun día concreto duante todo o curso ( por exemplo ,os luns),deberán notificalo por escrito ante a Dirección do centro.**
4. Para determinar a renda anual, utilizarase a declaración do **ano 2021.**
5. **Deberán firmar** a autodeclaración a totalidade de membros que perciban ingresos na unidade familiar.
6. Poden recoller no centro a solicitude para os pais/nais que desexen **colaborar no comedor** no curso 2022/2023, así como as dúas copias da autodeclaración.
7. Tamén enviamos información sobre como obter a renda per cápita, segundo o tipo de unidade familiar. Lédea con atención, pois hai unha variación para as persoas que NON teñen obriga de facer declaración.

**SE TEÑEN CALQUERA DÚBIDA AO RESPECTO NON DUBIDEN EN PASAR POLO CENTRO PARA ACLARALAS.**

Atentamente

Ana Cristina García Torralba

## **CONCEPTO DE UNIDADE FAMILIAR E RENDA FAMILIAR ANUAL NETA PER CÁPITA**

En base ao disposto no artigo 16 Decreto 132/2013, o concepto de unidade familiar é o definido na normativa do imposto da renda das persoas físicas.

Aos efectos do IRPF, existen **dúas modalidades de unidade familiar**:

### **1. No caso de matrimonio:**

- a) Os fillos menores, con excepción dos que co consentimento dos pais, vivan independentes destes.
- b) Os fillos maiores de idade incapacitados xudicialmente suxeitos á patria potestade prorrogada ou rehabilitadas.

Hai que ter en conta que a maioría de idade acádase ao cumprir 18 anos.

### **2. En ausencia de matrimonio ou nos casos de separación legal:**

A unidade familiar está integrada polo pai ou pola nai e a totalidade dos fillos que convivan co pai ou coa nai e reúnan os requisitos da modalidade anterior (os supostos a ou b do apartado 1).

Polo tanto:

- Calquera outra agrupación familiar, distinta das anteriores, non constitúe unidade familiar a efectos de IRPF.
- Ninguén pode formar parte de dúas unidades familiares ao mesmo tempo.
- O número de membros da unidade familiar realizarase atendendo á situación existente a 31 de decembro de cada ano. Polo tanto, se un fillo cumprira 18 anos durante o ano, xa non formará parte da unidade familiar neses período impositivo. Tampouco formarán parte da unidade familiar o membro que falecera durante o período impositivo.
- Nas **parellas de feito** só un dos seus membros (pai ou nai) poden formar unidade familiar cos fillos que reúnan os requisitos anteriormente comentados (os supostos a ou b do apartado 1). O mesmo criterio é aplicable nos casos de separación ou divorcio con garda e custodia compartida.

A renda per cápita familiar obtérase como resultado de realizar os seguintes cálculos en base á declaración da renda do **exercicio 2020**.

1. Sumarase a base impositiva xeral coa base impositiva do aforro.

2. Deste resultado restarase a cota líquida resultante da autoliquidación.

Segundo isto, a renda familiar para os efectos da autodeclaración é o resultado de facer as seguintes operacións coa declaración do IRPF:

**casiña 435 + casiña 460 – casiña 595**

O resultado obtido dividirase polo número de membros que forman parte da **unidade familiar**. O concepto de unidade familiar será o definido na normativa IRPF.

## **ACLARACIÓNS PARA DETERMINAR CORRECTAMENTE A RENDA ANUAL FAMILIAR**

Para determinar a renda anual familiar hai que sumar as rendas obtidas por todas as persoas que integran a unidade familiar. Nesta operación poden presentarse varias situacións:

- **Unidades familiares nas que ambos cónxuxes ou calquera outro integrante dela, perciben rendas e teñen a obriga de presentar a declaración anual do IRPF.** Neste caso, o importe da renda familiar resultará das sumas e restas das casiñas indicadas, que se obterán de cada declaración, se foron presentadas individualmente –que é o habitual- ou ben, da declaración conxunta.
  
- **Unidades familiares nas que ambos cónxuxes perciben rendas pero só un deles ten a obriga de presentar declaración.** Neste caso, a obtención do importe da renda familiar resultará das sumas e restas das casiñas indicadas, para o membro da unidade que presentase declaración do IRPF máis o importe que resulte para o outro integrante familiar que non presentou declaración do IRPF, segundo os seus datos fiscais que deberá para realizar o cálculo dos seus ingresos, **sumar os importes das casiñas (retribucións dinerarias) e (intereses) e restar os importes das casiñas (cotizacións seguridade social), (retencións procedentes do traballo) e (retencións procedentes do capital mobiliario).**
  
- **Cando ambos cónxuxes perciban rendas que non teñan a obriga de presentar declaración da renda ou ben cando o cónxuxe ou cónxuxes non perciban**

**renda ningunha suxeita a tributación do IRPF.** Nestes supostos, os interesados deberán consignar os seus datos fiscais **do mesmo xeito que no especificado no apartado anterior** para os membros que non presentan declaración do IRPF.